

1911 年

五日刊第 143-151 期

宣統三年正月三十日

亥 辛

南洋官報

第一百四十三期

南洋五日官報

諭旨恭錄

中外電報

京朝法政

民政部 奏遵擬次年籌備辦法摺

兩江奏牘

兩江督院張 咨呈督辦鹽政大臣據兩淮緝私王統領稟輪船經費急待支給請迅咨定

案文●又札甯藩司准法部咨審判廳丞長晉督撫官廳座在司道之次一案分移遵照文

●又札甯藩司委提韓令欠繳鹽價銀兩文●又札甯藩學司據請補江浦縣趙興雲調署

海州陳宗雍會稟查辦僧學交關一案遵飭擬結請賜由電示遵文●又札甯學司准學部

咨復兩江法政學堂豫科學生年終辦理升學尙可照准文●又札甯學司准學部咨送試

驗檢定無試驗檢定文憑一案文(附抄單)●又札第九鎮准陸軍部咨懲治陸軍漏洩機

密等五項章程依限造報一案文●又札財政公所准鄂督電查百貨釐捐確數一案開摺

呈復文●又牌示本督院衙門照章停止收呈其未批各詞亦不批發文●又批勸業道詳



遵查劉鍾鑑等在窰頭等處設筏取魚有碍農田一案由(錄原詳)●又批江南巡警局詳籌辦習藝所章程由(錄原詳及章程)●又批蘇州巡警道稟清查膏店銷售確數由(錄原稟)●又批安東縣稟會商員紳查報被淹處所戶口確數由●甯藩司樊詳督憲司庫解支內務府各欸銀兩按年籌撥開摺請轉咨文(并清摺)●又札海門廳沙地額租應勸諭承佃各戶遵照清完文●又批海州詳海州西鄉水晶鑛產集議官督紳辦照繕詳章請賜示由●又批即用知縣陳廷蘭稟防疫一案由●又批城南北暨南城外米業等稟連遭搶奪市面堪憂公叩維持由●署甯學司李批海屬議員邵長鎔等稟惡僧毀學州官庇縱由●又批海州紳學界試用訓導苗淳等稟謀產未遂設計巧偷迫叩飭州保僧由●又批沛縣封家樓孫自明等稟懇委查以懲狡據而整學堂由●甯屬清理財政局詳督憲軍事費認減確數彙開清摺請鑒核文(並清摺)●江甯造幣分廠奉度支部劄凡屬鑄造必須機件不得擅行調撥文●江南財政公所移陸軍餉械局陸軍監獄各犯衣褲被褥等件製價應在前領開辦經費內支用文●又批鎮江砲台總台官申請發給平安小輪宣統二年秋季分補領煤油價並冬季分煤油折價銀兩由

譯件雜記

原函照登 松花江航業問題

王慕陶

諭旨恭錄

正月二十六日

監國攝政王鈐章奉

上諭法部奏停止刑訊各省多未實行請旨申誡嚴飭遵守一摺自先朝降諭停止刑訊業經三令五申現在各省省城商埠各級審判廳多已成立各省提法使均已改補自應重申誥誦嗣後無論已未設廳地方着各該督撫責成提法使認真督察凡承審遺流以下人犯勿得再用刑訊其有關於死罪人犯應行刑訊者務須恪遵現行刑律辦理從前一切非刑私刑永遠革除倘仍陽奉陰違一經發覺即將該承審官分別參處並着京外問刑各衙門恭錄光緒三十一年三月二十一日諭旨敬謹懸掛法庭用示朝廷矜慎庶獄慈祥愷悌之至意將此通諭知之欽此

上諭法部奏交審訊案查明欺目分別定擬繕單呈覽一摺已革綏遠城將軍貽穀前因辦理墾務攘地圖利縱勇濫殺案情重大當將貽穀及已革知府姚學鏡等拿交法部嚴行審訊并飭署綏遠城將軍信勤就近確查其殺斃丹丕爾一案業經查明由法部先行定擬將貽穀姚學鏡從重發往新疆効力贖罪因款未查齊諭令仍行監禁茲據法部奏稱按照信勤查覆各節並所開表冊悉心鉤算該革員等侵冒各款除融銷及查封各款扣抵外應追欸項尚有數萬兩之多按律從重問擬恭候欽定等語已革綏遠城軍貽穀身為大臣督辦墾務宜如何奉公潔已惠民恤蒙乃竟以設立公

司爲名信任劣員姚學鏡等朋比欺蒙侵蝕鉅款實屬罪有應得該部擬以絞監候罪名仍勒限監追限內分別已未全完再行核辦確係秉公科斷姑念該革員羈繫至三年之久前於丹丕爾一案已經從重定擬此次倘將款項依限如數繳清卽著仍發往新疆効力贖罪已革知府姚學鏡厥罪惟均著一併發往新疆効力贖罪所有應繳款項著卽按照單開數目勒限監追已革道員斌宜已革知州景昶旣據訊無貪黷不法確情業經革職均准其援免餘著照所議辦理該部知道欽此

軍機大臣署名

二十七日

監國攝政王鈐章奉

上諭瑞良現在穿孝綏遠城將軍著桂春暫行署理倉場侍郎著瑞豐暫行署理欽此

上諭吏部右侍郎著沈雲沛補授欽此 軍機大臣署名

中外電報

柏林電 德國國會於通過膠州預算案時并請要求國家補助金七千七百零八馬克之議案批准又承認現在經營膠州已有進步國務海軍大臣鐵爾壁言現在膠州境內并無疫氣即官場亦深望該處得免疫症之恐慌

倫敦電 法國政府現咨請列強各派代表赴西歷五月在巴黎舉行之衛生會討論疫症及霍亂治法
東京函 日本立憲紀念典禮今日(十三日)在太廟舉行午刻日皇親臨行禮各親王外國公使本國執政大臣上下議院議長均赴豐明殿預謙日皇致演說詞首相桂太郎及英使麥克度君致答詞

東京電 日皇乘昨日立憲紀念日之機會頒發日金一百五十萬元恩卹國中之疾病者蓋欲藉以消弭社會主義也(按日本憲法宣布於一八八九年陽歷正月十一號)

東京電 日本前次遊歷中國之實業家現在預備邀請中國巨商於西四月初旬來日本遊歷以便日本各商會可藉以酬報彼等代表從前遊歷中國時所受之優待并藉以增進彼此之友誼

倫敦電 據聖彼得堡傳聞謂接哈爾濱來電稱寬城子每日之死於疫者雖仍有二百人之多而已死華人之頭髮仍運出口前往英德兩國

北京電 此處於前八日中並無新染疫之人發現但今又有斃命者二人現天津均計每日死者一人惟滿州各要區防疫之情形已有進步

倫敦電 不久將在倫敦開設一中國學生會駐英華公使頗爲贊助此舉該會宗旨在使學生得有最好之交際中心點中國使館參議員麥利維(譯音)君爲該會會正克姆泊博士夫婦均爲會員

東京電 據官場報告克爾克大印度博覽會中之日本賽會品以漆器玻璃器及各項織蓆爲最受該處人民之歡迎

柏林電 義大利現發現疫症數起

柏林電 德國郵政局雖因疫氣蔓延然於收發滿洲之來往信件並無更動惟郵件之運往中國內地者則取道海參崴

倫敦電 據華盛頓電稱美國上議院已將與加拿大聯絡之議案通過贊成者二百票反對者祇九十二票 又各報章皆云將爲新國會中之上議院演說員克拉君於討論聯絡加拿大議案時曾云彼以此項合同爲將來實行聯合該大陸一最有勢力之原素時機將至屆時美國國旗將飛揚於北美洲之全境英國亦有願將加拿大遞贈美國之一日

倫敦電 據華盛頓電稱美總統塔夫脫君對於克拉克君之演說大爲詫異謂此等言論爲最不祥之言又云美國現在並無併吞加拿大之思想

東京電 日本上議院於星期四日集議已將一千九百十一年之預算案通過

柏林電 土耳其陸軍遠征隊已將伊門地方之阿拉伯亂黨驅散

柏林電 土耳其陸軍遠征隊已將伊門地方之阿拉伯亂黨驅散

京朝法政

民政部 奏遵擬次年籌備辦法摺

奏爲遵照修正籌備清單謹擬次年應行籌備事宜實行辦法先期陳明恭摺仰祈

聖鑒事竊查憲

政編查館定章每年冬間由該管衙門擬定次年實行辦法先期切實奏明辦理等因歷經遵辦在案本年十一月初五日奉 上諭現在開設議院既已提前所有籌備清單各項事宜自應將原定年限分

別縮短切實進行著憲政編查館妥速修正奏明請旨辦理等因欽此嗣經憲政編查館將修正逐年籌備事宜清單奏請 欽定奉 旨依議欽此由該館咨行到部查單內所有宣統三年籌備之事應

由臣部辦理者凡三一爲頒布戶籍法臣部前於臚陳第三年第一屆籌備成績摺內聲明本年編訂戶籍法係臣部與憲政編查館同辦之件現已遴派專員旁稽各國成法證以中國情形詳細擬訂等語刻經擬訂完竣應由臣部奏交憲政編查館覆核照章辦理一爲彙報各省戶口總數查本年應行彙報各省戶數臣部已於本月十七日具奏至人口總數臣部前定調查戶口章程各省應於第三年彙報一次至第五年一律報齊現在國會既已提前辦理所有選舉議員等事必須戶口查明方易著手當由臣部再行咨行各省將調查人口總數從速辦理於明年一律報齊較原定期限不過提前一年當無窒礙難行之處一爲續辦地方自治查地方自治事項前經臣部奏明城鎮鄉議事會董事會分別繁盛中等偏僻各地方依次舉辦府廳州縣議事會參事會分別省會首縣外府首縣依次舉辦查原定清單於地方

自治先城鎮鄉而後府廳州縣近來迭據雲貴湖廣總督及山東廣西巡撫等分別奏咨聲請變通先後次序將上級自治提前籌辦現在 欽定修正清單每年均列續辦地方自治一項於上下級籌辦之次序并未加以限制是各省情形不同未能強繩一格已在 朝廷洞鑒之中應由臣部知照各省體察情形酌定先後次序總以無誤成立期限爲歸庶辦理較有實際以上三者皆修正清單內臣部明年應行籌備之件至巡警一項憲政編查館原奏謂屬普通行政事務故此單內未經列入仍應責成主管衙門按照原定清單分別最要次要妥籌辦理等因查原定清單內本年廳州縣巡警一律完備明年卽爲籌辦鄉鎮巡警之期是廳州縣巡警實爲最要而鄉鎮巡警則爲次要查鄉鎮巡警係與鄉鎮審判同爲原定清單內逐年籌備之件上年憲政編查館奏定司法區域分割暫行章程業經聲明鄉鎮審判應就一省之中酌擇繁盛鄉鎮設立初級審判廳一所等語鄉鎮審判之籌辦旣以地方之繁盛與否爲衡鄉鎮巡警事同一律應卽比照審判辦法就每省酌擇繁盛鄉鎮實行籌辦此外自應酌量地方財力分別緩急次第進行以免財政竭蹶轉生阻碍所有遵擬次年籌備辦法先期陳明緣由謹恭摺具陳伏乞 皇上聖鑒訓示謹 奏宣統二年十二月二十七日奉 旨憲政編查館知道欽此

兩江奏牘

兩江督院張 咨呈督辦鹽政大臣據兩淮緝私王統領稟輪船經費急待支給請迅咨定案文
咨呈事據統領兩淮緝私等營王副將有宏稟稱(中略)等情到本大臣據此查該統領所請係屬實情
因下河各州縣港汊紛歧必須小輪相輔方免疏脫若無款支應有同坐廢該運司前於零鹽售價項下
將小輪經費支給係屬不得已之辦法緣營勇能緝一分之私官鹽即得一分之益與虛糜者不同據稟
前情自應准如所請以期緝務有裨相應咨請爲此合咨貴大臣謹請查照示復以便飭遵望切施行

兩江督院張 札甯藩司准法部咨審判廳丞長晉督撫官廳座在司道之次一案分移遵照文
札行事宣統二年十二月初七日准法部咨承政廳案呈各省高等審判廳廳丞檢察廳檢察長本部於
本月二十一日具奏請 簡業經恭錄 諭旨通行在案所有丞長班次亟應規訂丞長晉督撫衙
署入司道官廳座在司道之次相應咨行貴督轉飭遵照可也等因到本督院准此合行札飭札到該司
即便分移一體遵照仍呈明蘇撫院查考毋違

兩江督院張 札甯藩司委提韓令欠繳鹽價銀兩文

札飭事據湖北督銷局詳前辦新隄分銷韓令宗潮欠解鹽價守提不解請飭清繳等情到本大臣據此
除批查韓令宗潮前辦新隄分銷欠解鹽價銀五百六十餘兩已歷五載該道派委守提屢催不繳實屬
抗違既據查明該令現過道班需次甯省仰候札飭江藩司速派委員勒限一月內繳清倘再延宕即由

司詳請咨明督辦鹽政大臣會核奏參以儆效尤而重公款並即查照繳印發外合行抄詳札飭札到該司即便遵照派員勒繳具報毋違此札

兩江督院張 札甯藩學司據請補江浦縣趙興雲調署海州陳宗雍會稟查辦僧學交關一案遵飭擬結請賜由電示遵文

札飭事宜統二年十二月十五日據請補江浦縣知縣趙興雲調署海州直隸州知州陳宗雍會稟竊知縣興雲奉藩司提學司札以奉憲台札海州僧學兩界交關應委員會州集訊斷結飭即馳詣海州會同陳牧傳集人証訊明秉公斷結等因奉此遵即稟辭束裝就道於十一月二十三日馳詣海州時值知州宗雍在鄉巡緝聞信折回隨即會同調齊卷宗逐加披閱得悉此案問題有三一搗毀神像一損毀校具一污辱教員三者之中是非虛實不惟有案可稽且公論在人斷難諱飾此等案件何致難結無如海州風氣久分黨派新重興學舊主保廟是以此案發現後初則僧與學爭繼則紳與學爭終則紳與紳爭各執一偏愈爭愈烈堅持到底莫肯稍讓偏於甲則乙不平偏於乙則甲不平設法抵制虛詞恫嚇辦理殊形棘手知縣興雲到州後曾赴教育會談判一次旋又與知州宗雍會訊一次詳情實際均已得其大概知縣等本無成見一視同仁祇知據理定斷無所用其偏袒三事並論毀像尙輕壞校具辱教員較重是經酌擬辦法電請示遵詎電稟甫發而舊界電稟即接踵至寧旋奉憲台冬電飭再持平辦理不可稍存偏執等因遵約兩界面議乃意見甚深且無一定宗旨各人各見枝節叢生似此一被未平一被又起即

再予訊斷亦必雖公不公不偏亦偏必有一造不服長此糾纏殊不成事再四磋商別無辦法是經電請提甯審訊嗣兩奉憲台電一奉藩司電均飭秉公斷結等因遵復分頭勸導並曉以上憲委曲成全此事終須一了且桑梓之間非親即故何必以志趨不同致傷和誼兩界氣似稍平自可酌議擬結查觀音堂雖係僧廟早立學堂僧學既有意見若再招僧必致另起衝突擬請毋庸招僧即派妥人侍奉香火未毀各像移安樓上以昭誠敬已毀不必再塑而破鄉愚迷信毀像之人由州查拘武生張錦芾自居廟主而前此堂供則云前朝本係家廟現已改爲萬人緣其非家廟可知文生莊藍田係僧源瀚俗家胞弟此次滋事雖均謂並未在場然不避嫌疑已屬百喙難辭擬請飭令該兩生此後不再干預廟事張小和尚本請監禁昨據武舉范耿等以張小和尚之祖曾舉孝廉方正祈全體面等語面告察訪係屬實情但少年喜事亦不得不予薄懲以儆其餘擬請免其監禁即照十等處罰繳銀充公州書苗輔之乙心誠既被控告雖無實據究涉嫌疑擬請退換僧源瀚不許入境如敢潛回獲日另請監禁喬玉枷示滿日省釋被毀校具籌款修理損失成績擬照會該堂堂長查明究竟何項損失俟復到請示辦理校章應否重整應由勸學所教育會酌奪是否允洽合將遵飭擬結緣由肅泐稟陳仰祈鑒核俯賜由電批示祇遵等情到本督院據此除批稟悉觀音堂早立學堂應准仍舊借用惟須另招妥僧住持不得派人侍奉香火致啓爭奪廟產之漸如另招之僧有逞兇衝突之舉仍可查明按律懲治不必因噎廢食顧慮於前餘如稟辦理除先行電飭外仰即遵照繳印發並先行電飭遵照外合函札飭札到該司即便知照此札

兩江督院張 札甯學司准學部咨復兩江法政學堂豫科學生年終辦理升學尙可照准文

札飭事宜統二年十二月初七日准學部咨開專門司案呈准兩江總督咨開據兩江法政學堂監督吳
璆詳稱竊照職堂辦法係仿照學部奏定京師法政學堂章程開辦正科以造就完全法政人才爲宗旨
先習豫科二年接習專門學科三年共計五年畢業詳經前督憲端奏咨在案嗣奉學部奏請將各省高
等學堂在戊申六月以前所設之豫科如原定修業年限不滿三年者應一律展至三年等語但職堂雖
與高等學堂爲同等其主課係注重東文東語以能否直接日本教員聽講爲豫備年限之短長又與別
項高等豫科不同查職堂豫科自光緒三十四年六月開辦扣至本年暑假已屆二年期滿適與初次奏
咨原案相符曾經詳請電商學部將職堂豫科學生援照京師法政學堂光緒三十四年二月招收之豫
科扣滿二年升入正科成案辦理旋奉學部復電飭照前督憲端第二次奏案辦理等因祇奉之下職道
何敢再事瀆請惟查職堂豫科學生東文東語程度有多數能直接日本教員聽講現值憲政進行籌備
期迫法政思想固以普及爲先而完全法政人才以及時培植爲要擬請一面增加豫科東文東語鐘點
補習一學期以資深造一面仍乞咨商學部請將豫科年限縮短一學期改於本年年終辦理升學試驗
似於謹遵部電之中仍寓學成致用之意如蒙允准卽請據情咨商學部得覆卽當遵辦等情到本部堂
據此除批示外相應備文咨商爲此合咨貴部請煩核復等因前來查兩江法政學堂前設豫科因經前
督奏明遵章展期一年故上次電復飭令遵照原奏辦理在案惟現在本部奏准改訂法政學堂章程業

已將正科延長改爲四年畢業該學堂豫科各生既據該監督詳稱程度已合升學資格且豫科亦經展長學期所請本年年終辦理升學之處尙可照准相應咨復查照飭遵可也等因到本督院准此除分行外合亟札飭札到該司即便知照此札

兩江督院張 札甯學司准學部咨送試驗檢定文憑一案文（附抄單）

札飭事宜統二年十二月初七日准學部咨普通司案呈照得本部奏定憲政籌備清單本年應實行檢定兩等小學教員此項檢定章程業於去歲奏定頒布在案原章第六條及第十四條訂明於檢定合格教員應由督學局或提學使司分別給與檢定文憑此項文憑非有一定之式不足以昭畫一而利推行茲由本部酌定無試驗檢定文憑及試驗檢定文憑兩種式樣並附以填寫文憑條例十四條以後各地方施行檢定應即遵照文憑式樣刊印並遵用條例詳細填發其考試詳細辦法及檢定教員名冊應照本部九月通咨辦理此外檢定委員之資格及擔任科目應一並造具詳冊送部備核除飭行外相應咨行貴督查照轉飭提學使司遵辦可也等因並文憑及抄單到本督院准此合將文憑札發札到該司即便遵照辦理勿違

一檢定小學教員照原章第一條在京由督學局在各省由提學使司辦理文憑之首行爲字之上應填京師督學局或某省提學使司字樣 一檢定文憑分兩種一種爲無試驗檢定文憑一種爲試驗檢定文憑後列號數應以兩種各相銜接不得混作一起 一督學局關防及提學使司印即鈐於宣統字之

下 一檢定委員只填姓名但姓名下須自行簽字或鈐印圖書 一試驗檢定委員人數多時可分上下兩層填寫 一無試驗文憑充當字下教員字上應查照原章第六條及第十九條填寫 一試驗檢定文憑准充字下教員字上應查照原章第十四條及第十九條填寫 一教員籍貫履歷即填於文憑上本教員一行係字之下 一試驗檢定照原章第十三條應按照學科用論說或實地演習並語言問答分別試驗但每一學科應將論說所得分數及實習問答所得分數平均總爲一門填入文憑上每科分數格內 一試驗檢定各科目中之子目所得分數應匯齊平均填入總目如高等小學算學一門有子目七此七子目所得之分數應匯齊以七除之卽爲算學一門分數照數填入文憑餘照此類推 一試驗檢定各科目中之子目有論說與實地並試者應先以兩項平均爲一子目之分數然後再匯齊各子目分數爲一總目分數 一專科教員之試驗檢定如數學格致圖畫體操四門可照子目所得分數分別填入文憑

兩江督院張 札第九鎮准陸軍部咨懲治陸軍漏洩機密等五項章程依限造報一案文

札行事宣統二年十二月十二日准陸軍部咨軍法司案呈光緒三十四年九月本部奏定懲治陸軍漏洩機密等五項章程於奉 旨依議後業經通行各省鎮協並製表通行一體造報各在案乃兩年以來各省軍於應造送之懲罰等表往往任意遲延並未依期造報殊屬不成事體亟應明定期限以免延擱嗣後各該鎮協於應送各項月表凡事屬正月分者務於二月十五日以前造送報部相應咨行貴督

轉飭各該鎮協遵照辦理務必依限報部勿再任意遲延致干未更等因到本督完能此示

摺嗣後各該鎮協於應送各項月表凡事屬正月分者務於二月十五日以前造送報部相應咨行貴督轉飭各該鎮協遵照辦理務必依限報部勿再任意遲延致干未便等因到本督院准此除分行外合就札行札到該鎮即便遵照依限造報勿延切切

兩江督院張 札財政公所准鄂督電查百貨釐捐確數一案開摺呈復文

札飭事本年十二月初十日准湖廣總督瑞電開部冊載全國歲入釐捐一項共銀四千餘萬內有代征藥釐三十餘萬徵現擬研究此事貴省百貨釐金究有確數若干祈飭查詳數電示所有船捐藥釐及名爲釐捐而非百貨性質者並希轉飭一律剔除爲感等因准此合就札行札到該公所即便遵照查明近年釐捐收數最旺之年共收若干至少之年約收若干剔除船捐藥釐等項各有若干實存百貨釐捐若干分晰開摺呈復以憑轉電母違

兩江督院張 牌示本督院衙門照章停止收呈其未批各詞亦不批發文

照得江蘇安徽江西高等審判廳均已成立本督院衙門照章停止收呈所有已收未批各呈詞各該遞呈人等應即自赴各該省高等審判廳控理本督院毋庸再行批發合行牌示曉諭知照

兩江督院張 批勸業道詳遵查劉鍾鑑等在審頭等處設筏取魚有碍農田一案由（錄原詳）

此案既據查明該公司設筏取魚有碍農田自未便准其照辦仰即分別移行遵照並補詳安撫院暨楊大臣查照繳摺存

詳復事奉南洋勸業會審查總長楊札據職員劉鍾鑑等稟稱竊職等在於當塗縣境審頭諸家灣兩

處設筏取魚秋紫春拔稟奉當塗縣諭知詳奉安徽勸業道批示候移請江甯勸業道就近飭查明確究於高溧二縣水利農田有無窒礙籌議核辦以昭詳慎應俟移復再行飭遵等因奉此職等組織此事迄已經年尙未核准究其遲延原因實由溧水縣延擱不復以致當邑未能會稟定案非求委員秉公確查不足以資核實而期迅速等情據此查振興漁業係取自然之利於地方生計大有裨益但使無礙田疇自應准其開辦據稱溧水縣延擱不覆殊屬非是爲此照錄原稟再行札飭札到該道仰卽遵照嚴飭溧水縣確切查明尅日具復移知安徽勸業道以憑核辦事關興業毋任玩延或由該道移會安徽勸業道各派委員會同履勘究竟高溧境內之水是非三路出江該職員所請在窰頭諳家灣設筏取魚與高溧二縣水利農田有無妨礙詳查聲覆更昭周妥總之事關三邑水利不能不格外求詳而漁業爲興利要圖亦應切實提倡仰卽酌核妥速辦理可也等因奉此卽經轉飭江甯府迅速派員查明稟復核辦茲據江甯府申復案奉札開據職員劉鍾鑑等稟爲振興漁業公叩委員確查以免延擱而便開辦等情到道據此除批稟悉查此案前據當塗縣詳並准皖勸業道移業經迭行江甯府轉飭溧水縣迅速詳復不准再行延宕本道對於振興實業事項一律秉公扶助斷不以事涉鄰封稍存畛域據稟前情仰候再飭江甯府迅派公正委員馳往該處會同該地方官切實查明尅日稟覆核奪此批掛發外合再抄稟札飭等因並抄稟到府奉經抄稟札飭溧水縣遵照並札委候補知縣李有架前往溧水縣會同印官查明窰頭等處能否設筏取魚於高溧二縣水利農田究竟有無窒礙據實

架前往溧水縣會同印官查明審頭等處能否設筏取魚於高溧二縣水利農田究竟有無窒礙據實

稟復去後茲據候補知縣李有架會同溧水縣游拯稟稱知縣有架旋卽速裝於初四日行抵溧邑會同知縣拯吊核卷宗前准當塗縣移查卽經諭飭沿湖紳董確查節次諭催未據復到查溧水縣南境石臼湖與高溧當塗三分爲界沿湖盡屬圩田水道西流專恃花津達太平府治一綫大河爲出水之門戶河道本不甚通利當塗境內花津沿河一帶一經攔河設筏絕流取魚則筏內之水高於筏外洩水遲滯圩田致有被淹之患同治九年經宣城當塗高溧溧水四縣紳士稟奉前督憲馬前藩憲梅移會安徽藩憲頒發告示勒石永禁在案溧水縣志亦經載明查該漁業公司於河內置筏指定在審頭誦家灣二處與原禁地名不同或可無碍誠如劉鍾鑑所稟不必拘泥舊案乃詳核地輿河流碑載示文知縣有架會同知縣拯往近湖之贊賢山陽等鄉查勘並傳詢該處董事嚴作霖張長詠徐觀光徐步瀛陳廷棟張培方等面詰究竟所稟情形與原禁無異謂審頭卽在花津之下護駕墩之上河流仍迴地段小異水道不能無阻農田卽不能無碍同治九年因大小花津龍山橋纏村陳公渡九山孤山等處扎筏故公稟嚴禁載明地在花津沿河至護駕墩一帶皆在禁止之列斯時審頭因未設筏故未言及迨至光緒四年當塗刁民在海港口甸河口黃蕩灣渡沙店釜山灣等處違禁設筏復由高溧縣詳奉前藩憲梁會同皖藩憲盧重申禁令復立碑石可見舊日兩省大憲示禁之案自當遵守不能因地名之異而可希圖朦混也知縣等復與各該董剴切諭導事關振興漁業不可因他邑獲利而存嫉妬心有意破壞亦不可受個人之運動而存偏袒心故安緘默該公司謂高溧境內設筏重重此能設

筏彼獨不能是誠何故該董等面稱高溼地勢較高一經扎筏洩水雖遲而沿湖數邑之圩田因上游流緩反無急漲淹沒之患與下游壅遏爲患者不同故從無他邑稟禁之舉惟溼境因此鄉設筏彼鄉卽失魚利因而每多爭訟屢經前任印官示禁現在亦無橫流扎筏之事知縣等復以該公司所稟及高溼來移有秋設春撤之說與湖鄉各紳董研究是否可行僉謂碑示載明秋冬之際二麥難種亦緣積水難消之故也且湖鄉居民圩田常有水災秋冬之時全恃魚利以補耕稼之不足該公司章程垂釣打網原所不禁不知竹筏橫河一網打盡兩邑小民之生機爲其所奪後患不可不防高溼七鄉紳董陳縉坤等以關碍孔多前禁難弛等情具稟該縣不知如何批示各等語本年春間該職員劉鍾鑑來溼向知縣拯求予允准將來辦成獲利酌提若干爲溼邑新政自治等費溼邑人士均可入股利益均沾當日會向商會員紳詢問情形并勸令合資興辦皆謂有害於民恐滋事端不願入股所說情節與湖鄉紳耆大致相同該公司設筏阻水有碍農田各情遵札會同查明謹將兩次勒石永禁告示縣志所載之水利關係沿湖各鄉紳董稟復之詞逐一錄摺呈請鑒核批示等情前來理合錄摺據情申復仰祈憲台鑒核俯賜批示祇遵等情並抄摺到道據此查此案既據該府飭委查明該公司設筏阻水有碍農田似難准其照辦除分別移行外理合錄摺具文詳復仰祈憲台鑒核俯賜轉咨實爲公便爲此備由呈乞照詳施行須至書冊者

兩江督院張 批江南巡警局詳籌辦習藝所章程由 (錄原詳及章程)

詳摺均悉所擬尙屬妥洽仰卽督飭認真辦理如有未盡合宜之處卽隨時改訂詳報所有按月在所人犯數目以及動支經費入料出品等項均分晰造冊送查繳摺存

詳請事竊奉憲臺批職局具詳請將新蓋之自新所改爲習藝所由局籌款開辦一案蒙批據詳已悉所請係爲化莠爲良教養兼施起見應准照辦仰卽擬章詳候核奪繳等因印發到局奉此職道竊維習藝所之設原欲懲罪囚以工作教貧丐以技能使之改過自新藉可謀生有業當此創辦之始一切章程規則固貴乎審慎周詳而經費之開支尤須力期撙節職道督同局員通盤籌畫擬就辦法約分數端 一曰總綱凡犯人貧民之收所出所及房屋之建設隸焉 二曰用人凡員司之職掌及責成辦法隸焉 三曰經費凡員司警役之薪津餉項及犯人貧民口糧隸焉 四曰看守凡檢查防範及監工休息隸焉 五曰工藝凡製藝銷貨及矜恤賞罰隸焉似此職業攸分有條不紊庶幾技藝日進咸與維新以仰副憲台化莠爲良實事求是之至意除俟各項器具購到及工場修竣卽行開辦另文具報外所有籌擬習藝所試辦章程理合開摺詳請憲台鑒核批示祇遵爲此備由具詳伏乞照詳施行須至書冊者

第一章 總綱 一本所專收巡警總局罰充苦工輕罪人犯以一百名爲定額未滿時遇有無業遊民亦准收所使之學習工藝聽受教誨務期限滿出所能執一藝以謀正業成爲良善之民 一查前奉刑部通行章程各省州縣均應設立罪犯習藝所專收禁軍流徒等罪人犯現本所係巡警局所組

織爲收留輕罪罰工無業遊民而設性質與州縣習藝所不同擬定名曰江南巡警總局習藝所以清界限 一本所房屋係就巡警局新蓋之自新所改造添購後方空地一塊蓋作二場 一查天津習藝所章程凡由巡警署判罰工作三月以上之人犯均收所習藝以藝成爲出所之期自應仿照辦理現本所收所犯人凡巡警局遇有判犯工作三月以上者皆由總局發所習藝期滿藝成酌核開釋其願留所另習他藝者聽 一收所貧民擬分二種一地方貧民有本身父兄或舖保者一土棍地痞有傷風俗或子弟不肖由父兄送忤逆者均應留所習成一藝方准出所 第二章 用人 一本所設所長一員由巡警局派員兼充掌管全所事務司事二名一司會計庶務一司監工管料書記一名繕寫文件登記冊簿製造圖表教誨師一員掌以言語教誨誠犯人化導貧民技師暫無定人隨時酌量雇用看守巡長一名督同巡警十名常川駐所稽查犯人及貧民執行各項勤務及一切防範事宜

第三章 經費 一本所經費均由巡警局在公罰項下籌撥如有不敷隨時由別項捐款撥補 一所長一員既由巡警局派員兼充應不另給薪水每月給夫馬銀二十元以示津貼司事兩名每月給薪水八兩書記一名月給薪水六兩教誨師一員亦由局派兼月給夫馬十元三等巡長一名月餉六兩三等巡警十名每名月餉四兩二錢雜役三名每名月給工食銀三兩技師暫無定人薪水多寡隨時酌定 一所內犯人貧民口糧查照自新所向藩署請領米數由巡警局移領如有不敷再由局撥款添購 一本所前經由巡警局詳定每月薪津糧餉役食及購料等費以四百兩爲率務期樽節開

支不准絲毫濫費 第四章 看守 一本所看守應分三項一大門看守一監舍看守一工場看守

款添購 一本所前經由巡警局詳定每月薪津糧餉役食及購料等費以四百兩爲率務期撙節開

支不准絲毫濫費 第四章 看守 一本所看守應分三項一大門看守一監舍看守一工場看守

勤務擬分兩項一巡邏一檢查統由所長另定專則飭令巡警遵照 一本所犯人貧民在工場寢室

食堂均須遵守規則其規則由所長另定分別懸示至於親丁探晤寄信家屬得所長許可皆准行之

但須有一定之時刻程式不得任意自由如遇疾病由總局撥醫診驗送入病室調治若因病身死經

地方官相驗後傳本人家屬領埋如無家屬或道途遙遠者即交地甲掩埋樹標待識 一所內犯人

貧民終日工作應酌休息日期以示矜恤但休息亦祇能在所運動並派看守監視今擬定休息日期

如左 一恭逢 皇太后萬壽聖節 皇上萬壽聖節各休息一日 一歲除元旦端午中秋

各休息一日貧民每朔望休息一日 一有父母大故犯人休息三日貧民臨時酌定 第五章 工

藝 一本所工藝先設織布織帶織巾縫紉搓繩作皮靴鞋六種犯人貧民入所各就其性之所近分

別學習如犯人罰限已滿藝尙未熟者酌量撥入貧民類中續習至熟爲止每年自二月至九月每日

工作六點鐘三月至八月每日工作七點鐘 一本所犯人及貧民所作物品宜分別精粗定價銷售

之法或發商店代銷或自設銷場隨時酌核辦理 一本所犯人學習一藝售出獲利除成本外以所

得之餘利五成歸公三成歸本犯自得二成充在事人花紅貧民則四成歸公四成歸本人自得二成

充在事人花紅以示區別其犯人貧民應得之餘利分別摺存俟限滿出所時發給以爲謀生之用

一本所犯人貧民日給飯食兩餐佐以熟菜並由本所發給一定制服犯人衣用淺赭色貧民衣用深

藍色每人冬夏各給一套至於工作之勤惰品行之良否擬分獎賞懲戒兩項由所長另訂專則呈由警局核飭遵照以上章程如試辦後或有應行變通之處亦可隨時刪改酌核辦理合併陳明

兩江督院張 批蘇州巡警道稟清查膏店銷售確數由（錄原稟）

據稟蘇省膏店認捐銷數隱匿竟至一倍之多何以從前經征人員毫無覺察殊堪詫異應即查取職名詳候懲處現在既經該道查明實銷確數自應按照補征惟以後係應隨時派員嚴密查察勿任再有含混總期銷數按期實減酖毒依限廓清是爲至要仰即遵照仍候撫院批示繳

敬稟者竊於本年八月間准禁烟公所咨以換給吸戶烟照之期所有長元吳三縣城廂內外吸戶應換牌照議限八月二十九日以前親赴管轄最近之巡警分區報名註冊造報即經職道分飭各區長遵照辦理並嚴飭挨戶調查不得稍有隱漏等情嗣據各區長將吸烟各戶姓名分別甲乙造具清冊呈送前來綜核省城內外八路轄區吸戶計有二萬一千七百二十四人而警務公所接徵之膏捐係照原認銷數六百十三兩五錢實屬大相逕庭殊深駭異再三查訪弊竇滋多緣蘇省膏店營業向分土客兩幫土幫資本較小調查較易雖有隱匿尙不過什之一二客幫以粵人居其多數資本充足聲勢靈通聽其認銷若干未曾加以考覈故隱匿之數竟有什之四五什之六七者是各膏店銷多報少比比皆然不僅此也又查各膏店認捐之始僅憑其自認銷數據爲定案從未認真切實查察章程既未盡善又未能實力奉行以致日復一日名爲按期遞減實則漫無限制似此情形殊與禁烟前途大

受影響職道博採旁諮既知此中情弊爰即派委候補府經歷沈祖侃候補主簿文慶嵩等先後逐細
確查茲據該員等將城廂內外膏店證以簿據與論按戶面訊由店主自行承認說出實銷數目註明
營業憑照統計各膏店原認銷膏六百十三兩五錢現查每日實銷共計一千三百二十八兩造冊呈
請核轉前來職道查蘇省禁烟辦法其宗旨在以徵爲禁膏店銷數逐年遞減捐數逐年遞加原冀吸
戶因價昂而速戒膏店以捐重而改圖俾可早日掃除毒害乃吸戶既如是之多而膏店認銷之數又
僅止六百餘兩迨經派員切實查復始將實銷數目自行承認較之現征之數又多至一倍以外是以
禁烟公所原定銷數全然不符可爲明證職道愚見此時膏捐不收則已既已收取則應實事求是消
摘歸公方爲正辦若情弊雖已查明捐數仍聽短繳在膏店固得享厚利而吸戶亦籍以藏身匪特明
知故縱無此政體且瞬息應行禁絕之期更將從何措手是清查銷膏實數實爲目前扼要辦法殆無
疑義至禁烟公所原定按期減銷加捐章程現經諮議局議決公布以後每兩止能征至五百文爲限
是從前所定章程已有變通之處現擬諭飭各膏店遵照此次查明自認實銷之數概行補足徵收庶
於按期減銷辦法不致有明爲遞減而實在未減之弊所慮者人戶時有遷移而各膏店之銷數亦即
隨之而增減應卽責成各區隨時具報並派員澈查以昭核實總期少一分隱匿卽可多收一分效果
職道責任所在斷不容稍有含混愚昧之見是否有當抑應如何辦理之處職道未敢擅專理合肅泐
稟陳仰祈鑒核主政俯賜批示祇遵

兩江督院張 批安東縣稟會商員紳查報被淹處所戶口確數由

前據淮安府劉守勘明所屬被水情形以安東宜先辦冬撫來春再辦工賑又據電稟以安邑冬撫一項需錢四萬餘串當以財政支絀恐難照數籌撥究能撥給若干批行藩司督飭財政公所核明具復飭遵在案迄今尙未據復據稟前情查議辦粥廠本欠妥善惟請發賑款以一半爲今冬撫恤一半爲來春工賑若如議員紳董等所計共需錢四萬六千一百餘串當此庫儲奇窘之際實恐未易籌維而民瘼所關亦不便稍事延宕究應如何辦理仰甯藩司督同財政公所查照前批迅速核酌飭遵具報勿稍遲延仍候撫院提部堂批示繳摺存

甯藩司樊 詳督憲司庫解支內務府各款銀兩按年籌撥開摺請轉咨文 (并清摺)

詳請事案奉憲台札准總管內務府咨本府具奏遵 旨設立憲政籌備處大致情形一摺於宣統二年二月十八日奉 旨憲政編查館知道欽此查本府設立憲政籌備處應行籌備 皇室經費一

切事宜頭緒紛繁未能備悉自應詳加考覈以免遺漏所有京外各衙門各省關以及所屬凡有關於

皇室經費歷年應進貢物應解經費以及另款傳辦並各項差務暨開支款項一切各數目無論向係解交何處均須詳細查明咨復本府倘無前項各事亦希聲復以憑辦理事關憲政萬勿遺漏遲延相應

刷印原奏咨行貴督查照可也等因到本部堂准此查江蘇省應解內務府經費參價等項向由甯藩司准運司江海鎮江淮安各關籌解至江甯織造大運料工派蘇杭代辦亦由甯藩司認解如有傳辦活計

准運司江海鎮江淮安各關籌解至江甯織造大運料工派蘇杭代辦亦由甯藩司認解如有傳辦活計

料物隨時由司詳請分派至兩淮應進貢物每年由淮商捐辦如有傳辦物料臨時由運司動款備辦茲准前因應即由各該處查明每年向解經費料物數目開單詳候核咨除分行外抄單札司遵照辦理具復並奉撫憲准咨行司移會各司關局一體逐細查明造冊送司彙案詳咨各等因奉經轉移各司關局查明造冊送司彙案詳咨嗣奉行催又經轉催未復各處趕速開冊移司彙詳去後茲准先後查復並奉憲台批鎮江關申復揚鎮兩關應解前項各數由奉批據送清摺仰甯藩司核明彙案詳咨繳摺存等因到司本司伏查江蘇省歷解各款內除蘇省銀兩應由蘇省司關道局查明逕復外所有甯屬各司關道局撥解銀兩內有每年應解內務府經費銀一萬兩由甯藩庫准運司江糧道前甯釐局各籌銀二千二十兩前財政局分籌銀一千九百二十兩均由藩庫彙齊呈解度支部兌收又江織造歲辦大運甯藩庫按年額撥料工銀六萬兩奉裁後改派蘇杭兩織造分辦遵奉部飭各半分撥蘇杭兩織造應用至傳辦活計每年多寡不一就近兩年計之光緒三十四年奉部准撥蘇杭兩織造添派緞綢等項共料工裝盛銀一萬八千四百五十八兩六錢五分六釐七毫二絲內甯藩司認籌銀二千四百五十八兩六錢五分六釐七毫二絲餘銀一萬六千兩詳奉分飭准運司撥解銀三千五百兩江海關撥銀七千兩鎮江關撥銀三千五百兩江糧道撥銀二千兩宣統元年准撥銀一萬六千四百二十八兩六錢七釐九毫二絲內甯藩庫認籌銀一千七百二十八兩六錢七釐九毫二絲餘銀一萬四千七百兩詳請飭派准運司分籌銀三千二百二十兩江海關籌銀六千四百四十兩鎮江關分籌銀三千三百二十兩江糧道分籌銀一

千八百二十兩均解藩庫彙齊分撥蘇杭兩處此外尚有淮安關冊列逕解內務府參價銀五千兩辦公銀二千兩至運司及江海鎮江兩關另有逕解內務府經費貢品價值箋捐福方參價等銀已奉憲台催札飭知彙數開摺逕呈緣奉前因合將司庫解支各款開具清摺連同淮安關江糧道前財政釐捐兩局送到冊摺一併具文詳送伏候憲台彙核轉咨備案爲此備由另冊呈乞照詳施行

一甯屬司道局庫按年奉撥內務府經費銀一萬兩內甯藩庫分籌銀二千二十兩 前件動屬解地丁欸彙冊造報 一江織造裁撤改派蘇杭兩織造分辦歲運料工甯藩庫按年額撥銀六萬兩蘇杭各半分解 前件動屬解蘆課款列冊造報 一光緒三十四年奉部准撥蘇杭織造分辦江南添派緞綢銀一萬八千四百五十八兩六錢五分六釐七毫二絲內甯藩司認籌銀二千四百五十八兩六錢五分六釐七毫二絲 一宣統元年前款共准撥銀一萬六千四百二十八兩六錢七釐九毫二絲內甯藩庫認籌銀一千七百二十八兩六錢七釐四毫二絲 前二件係屬活計料工每年多寡無定現就近兩年數目開列至所籌銀兩均動屬解漕價款列冊造報

甯藩司樊 札海門廳沙額地租應勸諭承佃各戶遵照清完文

轉飭事奉督憲張批該廳監生朱錫齡等稟勒升額租抄碑叩恩嚴飭示禁由奉批沙地租額既據稟由藩司飭廳查議究竟該廳如何議復仰甯藩司查明酌核辦理具復總期佃戶業主兩得其平是爲至要稟抄發抄黏並碑文均存租摺發還等因到司奉此正在核辦間又據朱錫齡等黏呈示條稟請飭廳詳

復飭遵並據該廳詳復前來查此案前據朱錫齡等以前情稟司當查該廳租額嘉慶年間定爲每千步納錢一千八百及一千一百二十五文豐不加增歛不減免係指年歲而言現時田價糧價較昔昂貴數倍業主欲加租錢亦自有說惟佃戶終歲勤動似未便過於苛待究竟該沙租額應否另行改定卽經批廳查察情形悉心籌議稟候核辦以昭公允而資遵守嗣據該監生朱錫齡稟請再飭示禁照舊征收又以前批謂業主欲加租錢亦自有說並未許其竟加且有佃戶未便過於苛待之語又未嘗不爲爾等計也來稟種種誤會殊屬不合批候議復到日核奪飭遵並行該廳知照在案茲奉前因查各屬佃戶納租原以地土之肥瘠年歲之豐歉定收數之多寡該廳沙地租額抄錄嘉慶六年碑文陳朝玉案每千步歲納租錢二千一百文朱錫齡等黏呈嘉慶七年及十七年碑記趙堂劉相等案額租每千步歲納錢一千八百文及一千一百二十五文不等是該廳沙地額租向有等差無論豐歉永不增減均有碑記可考今三角等沙每千步加錢四百文朱錫齡等尙以地未轉則租不能加爲詞一再具控該廳摺開現定三角丁角籐盤等沙每千步歲納錢二千一百文及一千八百文不等若如所控每千步歲僅納錢一千一百二十五文則所加之數不止四百文惟既稱由廳勸諭承佃各戶遵照清完如能踴躍輸租自應詳請給示勒石遵守倘有異說似應飭由各業先辦轉則然後酌量加租庶業主佃戶兩得其平除批示外合行抄稟轉飭札到該廳立卽遵照體察情形酌核具復毋違此札

甯藩司樊

批海州詳海州西鄉水晶鑛產集議官督紳辦照繕詳章請賜示由

據詳已悉查該州水晶礦產上年蕭紳稟請開採補還義振虧欠適張紳福森電稟謂與自治前途有碍奉督憲批飭斷難率准開採電飭嚴行查禁在案今自治公所復請開採擬改由官督紳辦所擬分成章程又與施牧前稟不同且亦未盡妥協此事關係重要稍不審慎必難相安仰候督憲核示遵行並候撫憲暨提法司巡道批示錄報繳摺存

甯藩司樊 批即用知縣陳庭蘭稟防疫一案由

所言多破的之論足見醫理事理俱極明通以鼠疫比蝦蟆瘟羊毛疔設染此症者有核如鼠尤爲名論不刊若因此薰穴捕鼠則患頸腫腹大者亦當捕及蝦蟆乎疫癘由於天降保攝出自人爲恐懼修省以應天此熒惑退舍之義也慎寒暑節飲食去污穢遠臭惡乃不藥之藥也此稟分移官醫巡警兩局擇要辦理並登官報以曉羣黎現正籌酌防疫事宜該令實其選也候斟酌委用以期解惑淡災此批

甯藩司樊 批城南北暨南城外米業等稟連遭搶奪市面堪憂公叩維持由

來稟閱悉臘底春初省垣城廂內外時有外來饑民成羣結隊沿街搶奪食物迭飭府縣妥爲彈壓遣散昨又准巡警局分區調查開具人數清摺函送到司業經札派委員會同兩縣參照向章妥籌辦法限三日內一律遣盡以示體卹而保治安據稟前情仰該印委依限趕辦勿稍延忽一面由縣知照各區官饑民未行以前務須分飭巡士隨時勸諭查禁毋令再有滋擾情事如無賴匪人夾雜饑民之內乘機搶奪卽應分別拿辦此次遣散之後地面當可安靜且資遣難民本有營勇彈壓照料毋庸再行請派仰卽知

署甯學司李 批海屬議員邵長鎔等稟惡僧毀學州官庇縱由

稟黏均悉此案現經電飭海州暨趙令嚴緝凶僧澈究主使懲辦毋縱並據該牧復稱業已疊次比提懸賞勒拿在案計期趙令當已行抵該州一經查辦該牧之有無賄縱情事自不難水落石出也此批

署甯學司李 批海州紳學界試用訓導苗淳等稟謀產未遂設計巧偷迫叩飭州保僧由

此案據本司訪聞該僧源瀚確係毀學凶徒現方在逃未獲顯係情虛畏罪該訓導等膽敢以保僧爲名來司具稟殊屬荒謬特斥

署甯學司李 批沛縣封家樓孫自明等稟懇委查以懲狡據而整學堂由

據稱該董孟傅卹不諳學務所聘教習未克勝任如果屬實貽誤子弟關繫匪淺仰沛縣會同勸學所秉公查明核辦速復毋徇母延切切此批

甯屬清理財政局 詳督憲軍事費認減確數彙開清摺請鑒核文 (並清摺)

詳復事竊於十二月二十日奉憲台批本局詳遵照軍諮處陸軍部電飭軍事費不准挪用一案酌擬籌補辦法懇請分咨備案由奉批詳悉查裁減軍事費用及議裁講武堂等款前經電請度支部咨商軍諮處陸軍部核定復辦現尙未准復到刻下講武堂並未停辦此外所議被減各款半係照舊開支來詳均作爲裁減已定核與原案不符仰逐條查明分別已否裁定及裁減實數若干另詳核奪等因奉此遵查

裁減軍事費用一案因奉行度支部元電內擬減項下列有督練公所經費四路炮台薪餉等款蒙憲台併案飭由本局查詢復辦又續行大部濛電謂甯省軍學各界開支尤濫不勝指駁應通籌切減各等因是經會議時除督練公所等處認減洋火藥局議併外復准陸軍第九鎮移請裁弁目護目護兵備補兵及酌減馬乾油費等項經本局復查各款雖爲章制所載實係無足重輕又如測繪學堂係認減教習藝士助手各費同亦裁冗去糜於軍事進行毫無阻碍均列入裁減案內其陸軍講武堂一欸部電歸併督練公所歲減銀四萬餘兩前經該堂詳奉憲台批開既難歸併不如逕行裁撤以資撙節是以前詳遵批以暫裁論現查續准該堂移稱洋教員薪水一項明年合同陸續屆滿擬一律辭退茲經按欸復核每年可以節省銀八千四百兩之譜擬請先以此爲裁減之數餘俟接奉電復再議又前詳外尙有海軍學堂魚雷營徐淮巡防步隊江北巡防營務處認減四欸應請補列總計每年減銀二十六萬五千三百三十一兩二分六釐內混成協薪餉係奉奏裁其餘或由該處體察情形來文減定或據來局面議自願認減初未稍涉勉強且查所減各款悉係冗員冗費實於軍制無損第聞各處有因處部不准挪用一奏而觀望者有以處部尙未電復而藉口者以致軍界裁減之案至今未定要知原奏不准挪用一節蓋於擴張軍備之中仍寓力求核實之意初非明知有浮濫而仍准支銷也今江南編練新軍本未籌有的欸致軍事費以入抵出歲不敷銀一百二十萬兩若不早籌彌補非特已練各軍無餉接濟難以支持安有餘力再事擴張是以本局前詳請將認減銀二十餘萬兩留充軍事費者原期節無益之虛糜俾歸實用擴將

來之軍備而固國防諒處部洞悉江南財政困難達於極點當亦贊成斯舉至處部現尙未復一節或係

再事擴張是以本局前詳請將認減銀二十餘萬兩留充軍事費者原期節無益之虛糜俾歸實用擴將來之軍備而固國防諒處部洞悉江南財政困難達於極點當亦贊成斯舉至處部現尙未復一節或係因軍政事繁無暇及此第念各處既已認減於先卽應實行於後縱使復電未到亦應仰懇憲台再賜電商俾可早日議復定案否則徒有認裁之名而無裁減之實竊恐其他各署局已經認減者仍各紛紛效尤實於大局有碍奉批前因理合具文詳復並將認減確數開摺附呈仰祈憲台鑒核俯賜查照前詳分咨洵爲公便爲此備由呈乞照詳施行

一陸軍第九鎮認減銀六萬三千三百三十兩 查前欸准該鎮移稱議將鎮屬備補兵一項全行裁撤節省經費銀二萬五千兩馬弁目護目全裁節省銀三千三百六十餘兩馬弁護兵裁半留半節省銀一萬四千六十餘兩全鎮馬乾及擦砲油費擦車油費節省銀二萬九百十兩本局查新軍所恃以折衝禦侮者惟正副兵與軍官是賴今該鎮請裁前項各欸雖爲章制所裁實係無足重輕於新軍完全無缺於公家所省實多

一奏裁陸軍混成協薪餉銀七萬兩 查前欸奉憲台奏裁混成協薪餉銀前數

一江南製造局認減銀十萬兩 查前欸該局奉飭減造軍火於工料兩項遵部電認減銀十萬兩

一督練公所認減銀四千兩 查該公所於會議時認減銀前數

一軍械局認減銀二千兩 查該局於會議時認減修鎗費銀前數

一江陰軍械分局認減銀二千六百五十兩八錢 查前欸歸併該處之巡防隊兼管原議省銀三千

兩茲據統領巡防隊申送確數清摺內開實減銀前數

一洋火藥局認減銀二千兩 查前款准餉械局文稱接辦洋火藥局後體察情形實難撙節鉅款業經具詳憲台僅能節省前數能否照此定案應候憲示遵行

一測繪學堂認減銀二千一百兩 查該堂原擬認減銀前數嗣奉憲札准軍諮處鑑電測繪地圖爲軍政要需若議減恐貽誤軍事等因奉憲台電復行知到局查該堂前項認減係教習藝士助手各費實爲浮濫之款無礙軍事進行擬請仍以前數作爲裁減定案

一四路炮台認減銀六千十九兩二錢 查前款共裁各路砲台測繪生教習繙譯兵夫等五十五名全年節省銀前數

一陸軍講武堂認減銀八千四百兩 查前款部電歸併據該堂詳奉憲台批開既難歸併不如竟行裁撤以資撙節候電請度支部逕商軍諮處陸軍部核定示復等因當即遵批暫以裁撤論列單具報在案嗣准該堂移稱自上年十一月間改訂章程均極從省惟各教習薪水係於今年五月間由督練公所移歸該堂列作收放此項洋教習共有六員其村谷一員已定於今年下學期辭退每月可省堂內津貼洋四十元伊籐助教一員今年九月內合同屆滿福田助教一員十月內合同屆滿均擬屆時續行辭退每月可省薪津洋二百六十元又天野古川二員明年五月內合同屆滿員來法一員八月內屆滿屆時擬一律辭退每月總共可省薪津洋一千七百元左右每年可省洋二萬數百元等語本

內屆滿屆時撥一律辭退每月總共可省薪津洋一千七百元左右每年可省洋二萬數百元等語本局復查來移內稱各教員合同屆滿期限核減薪資村谷伊藤福田等三員今年業經辭退明年全年可省薪津洋三千九百元天野古川二員共月薪八百元又天野每月津貼銀五十兩自明年六月起計七個月可省洋五千六百元銀三百五十兩員來法一員月薪五百元明年九月起計四個月可省洋二千元共節省銀三百五十兩洋一萬一千五百元約合銀八千數十兩二共減銀前數應否照此核減抑如何辦理之處恭候憲裁

一海軍學堂認減銀五百九十八兩二分六釐 查前款准該堂移稱每月認減火食雜支等款四十六兩二釐以十個月計算共符前數

一魚雷營認減銀三百三十三兩 查前款現准移稱裁減分廠司事及塢董薪伙並操練獎賞每月銀二十五兩七錢零以大小建牽算全年連閏約減銀前數

一徐淮巡防步隊認減銀一千三百兩 查前款准該營移稱擬裁步隊六營棚費每年洋合銀三百七十餘兩在砲費內裁去副教習二員每月節省銀三十六兩在偵探電報費內裁去偵探員弁二員再行撙節一切每月節省銀四十兩每年約共減銀前數

一江北巡防營務處認減銀二千六百兩 查前款經江南財政公所以江北巡防營務處向由財政局每月領薪費銀四百兩歲糜鉅款會商本局遵部電每月減銀二百兩全年連閏共減前數以上每年共減銀二十六萬五千三百三十一兩二分六釐

江甯造幣分廠 奉度支部劄凡屬鑄造必須機件不得擅行調撥文

劄行事通阜司案呈准造幣江廠呈報奉兩江總督劄開上年十一月間據江南製造局稟請撥用造幣廠各項機爐抵還欠款仰荷批准轉飭遵辦由局派學員鮑才生赴甯選擇據造幣廠函復以廠存機器奉飭報部又勸業會擬借用電燈機件俟奉部文永遠停鑄及勸業開會後再請選取等因查槍礮子藥等廠奉飭擴充亟須籌添機器因思現又時逾數月大部及勸業會有無指撥該廠機器度有成議遂於四月間仍派學員鮑才生等赴甯挑選查有汽鍋進鍋水之水抽康幫引擎刨床等件滬局均屬合用已允照撥其餘車鑽各床尙有合於滬局之用者幣廠聲稱此項車鑽機床專爲修造銅元機之模春用擬俟奉到部文確須停鑄再請選撥等因查幣廠封存前項汽鍋等件既屬合宜應照案先行稟撥應用合將名目尺寸繕摺稟祈核飭照撥並核明價值開單移局劃抵欠款等情到本部堂據此劄廠按數照發並開具價值移由該局劃收欠款又於七月續奉兩江總督劄據該局續稟幣廠電機內有發電機二部堪爲子藥等廠裝用稟准行廠遵照各等因嗣於七月間經該局派委候補典史崔昌斌等來甯領運計拆運三百匹馬力雙汽缸汽機即康幫引擎一副四尺長十八寸寬刨床三部一百五十盞燈光電燈機一百二十盞燈光電燈機各一部長三十尺徑七尺半雙火門大鍋爐兩具抽水機一部省煤機一副均交該委員等領運回申查明購價共規銀三萬五千二百五兩六錢六分九釐如數抵還該局欠款查幣

廠借欠製造局款項截至光緒三十四年九月止仍欠規銀六十七萬五千五百九十八兩八錢七分三

廠借欠製造局款項截至光緒三十四年九月止仍欠規銀六十七萬五千五百九十八兩八錢七分三釐五毫內應縮除三十四年分餘利共還庫平銀十一萬六千六百九十一兩六錢四分九釐按一零九六申合規銀十二萬七千八百九十四兩三分八釐四毫此次引擎等正價共抵規銀三萬五千二百五兩六錢六分九釐計仍欠規銀五十一萬二千四百九十九兩一錢六分六釐一毫除具文批移請製造局核作收放暨報明兩江總督外理合具文呈報鑒核等因前來查江廠欠上海製造局款項以各種機器按照原價核算抵還固屬正辦惟該廠現已奏定作為分廠將來各種機件廠房仍應留作該廠鑄造之用此次製造局撥運引擎刨床電燈機各項既已解運滬局並查照原購價值抵還該局欠款應無庸議其餘在廠凡屬鑄造必須機件業經電飭勿得擅撥仍應妥慎封存無令銹蝕另造機器清冊報部卽有數餘之件未經請由本部批准亦不得擅行撥調除將還過該局銀數存案備查外相應飭行造幣江廠遵照可也須至劄者

江南財政公所

移陸軍餉械局陸軍監獄各犯衣褲被褥等製價應在前領開辦經費內支用文

移復事本年十一月二十日准貴局移以兵備處案准統制移據陸軍監獄監長梅永貴呈請製發獄犯被褥衣褲冬帽鞋襪枕頭四十套估需洋四百三十六元四角約合湘平銀三百十兩四錢六分三釐二毫另列清單呈請察核示遵等情轉移查照迅賜核撥等因到所准此查陸軍監獄上年經統制兵備處原估開辦經費如置備器具及被褥衣褲工作材料約銀三千九百十五兩常年經費如薪公餉項火食醫藥等項以禁犯二百名估計每月約需銀七百五十三兩嗣經一再議減作為暫設監獄以四十名計算請領開辦經費銀四百九十九兩常年經費每月銀二百二十六兩四錢經前財政局遵札動放本年

四月奉行據統制詳暫設監獄可容六十名擬請每月加給經費銀六十五兩六錢飭局遵照歷經按數撥放呈報在案茲准前因所有前項獄犯衣褲被褥等件製價應在前領開辦經費內支用若以開辦經費用罄無存此時須另款撥付敝公所既未奉有詳准之案且前辦預算表冊亦未列有此項款目未便遽行撥解現值部章嚴覈所有新軍用款未便仍前浮濫相應備文移復爲此合移貴局請煩查照施行

江南財政公所 批鎮江砲台總台官申請發給卑台平安小輪宣統二年秋季分補領煤油價並

冬季分煤油折價銀兩由

據申已悉查平安小輪煤油折價一項前於裁停該輪案內已將折價截至本年八月底止詳報嗣准參議參謀處請免裁停亦經本公所議以江防安靖該平安船併同吳淞砲台長龍機器船一律裁停以節經費而符部議並經批飭該總台官遵照如各台營因公請撥專輪即將裁停之船領回自派弁勇駕駛免支薪糧並煤雜修費亦在該台營公費項下節省勻支詳奉督憲批准移由參議參謀處轉飭該總台官照辦無可疑異至該輪煤油價款七八兩月未在江陰領煤一半仍照原月領銀八十六兩核給七月初一至八月初六日止該銀一百三兩二錢應歸陸統領具領其八月初七至月底止該銀六十八兩八錢應由該總台官具領惟陸統領上年經墊修費按月在煤油價款抽攤該總台官應攤洋八元九角九分六釐折銀六兩二錢三分即在領款內扣交陸統領收回以符原案業於十一月二十八日分別呈報移行並將原領發還另行換領各在案茲據申領秋冬二季價款殊與前案不符除將原領二帑發還外

原函照登

王慕陶

敬稟者西歷九月三十號巴黎日報載其紐約訪事專電謂美國太平洋艦隊現奉其華盛頓政府命令預備戒嚴因美國駐北京公使格爾豪電其政府謂中國將復有拳匪之亂於外國人生命至爲危險故有此舉其他一面於菲律賓濱之馬里爾所駐之陸軍亦同時得戒嚴之命令而美國之教士及商人在中國者現極恐慌云云自此電宣布之後歐陸各報轉鈔一時風聲鶴唳殊足惑人觀聽今午遠東通信社特發傳單辨正畧謂紐約專電所述美國駐京公使電告其本國政府稱中國不久將再有拳匪之亂而美政府已命其太平洋艦隊及菲獵濱陸軍同時戒嚴云云此種新聞本社不得不亟爲更正中國情勢在前數月雖微有不靖然皆出於飢民窮餓並非往年拳匪可比至於現在已大平穩決無意外之變況近來政府復有強大之陸軍即使萬一不測遇有匪亂頃刻之間即可平定亦決非往年所可同日而語云云茲特將巴黎日報紐約專電原文及遠東通信社辨正原文附呈於後

松花江航業問題

松花江航業問題俄政府於西八月四號聲言中俄兩國於西七月三十號已將此項交涉在北京議結重新另訂條款其條款節目雖未宣布然俄外交界及輿論上均極滿足其感情已較前此爲融洽矣俄報均謂此爲俄日協約之效力夫以去歲兩國特派委員研究磋商亘至三月而不能得頭緒者今乃以

三星期內了結之其情勢相去爲何如乎然自他面觀之則此問題原限以八月一號爲最後期間而直延至七月三十號始行議定則非中國之本願已可概見是此問題之結束倘無協約逼迫又烏足以致此其普通持論之點大率如是亦足表現最近俄人對我之心理也莫斯科斯拉俄爲全俄第一之大報日前著論謂俄國與中國重要交涉松花江航業問題既結所懸擱者僅有哈爾濱管理問題耳往時管理之權本爲俄所全有戰後至今則爲東清鐵路總理哥瓦大將與中國官吏合治此種辦法最易滋事如去歲九月德領事之衝突稍有不慎卽足惹起國際之戰爭殊於平和有礙今後亦望能速結云云聖彼得堡日報則謂中國外交現似大有進步前此與俄抵觸幾至決裂者至是忽爲一鬆而彼此交誼感情復油然而興起正不得謂非當局者之能事也當俄日締結協約時比利時之遠東通信社攻擊最力實足代表中國國民之意見俄人已大注意而同時郡王載濤方在聖彼得堡其隨從各員接見報館記者談論之間亦極表中國憤怒之意於他一面復有陸軍部尙書蔭昌聘德國將官爲中國訓練陸軍之新聞因此數事俄人震恐均以爲中俄將卽於戰其勢不可終日矣乃中國於七月二十二號之答復竟承認俄日協約惟於千九百五年約中主要之點尊重中國主權開放滿洲門戶二語一再致意寥寥數語遂將此次協約範圍收縮變廣大爲狹隘幾至取消兩國協商之效力然在俄日固無法以反對之彼知俄日之敢怒而不敢言也則於他面爲之轉捩答復後僅八日遂將松花江條約籤定了去中俄間一極困難之交涉雖曰時逼勢迫亦未始非有意悔禍因以滅殺俄日之聯合力也云云荷西亞報所論畧同

特其中有數語頗關緊要即蒙古問題是也彼謂中國於蒙古亦與俄起競爭此至足慮夫蒙古之爲俄人目的物固無容諱言矣最近莫斯科俄商頗覺中國經營蒙古銳進不已而俄之商務則大退敗蒙人貨品之輸入於俄國者實三倍於俄國貨品之輸入於蒙古也俄蒙進出不能相抵非設法平均則俄之商務必將無倖因此之故俄欲添築西伯利鐵路枝綫復注意於水運俾依底克及衣里色邑之間交通便利現方計畫一新線即由衣爾枯斯基穿過衣爾枯斯江流及馬杭加衣陸地此線若成則俄蒙交通必更利便或可挽救從前之失惟中國政府亦從事經營蒙古其尤辣手者在由內地移民占據蒙古各地實行其殖民政策是又俄之一大阻力云云巴黎時報於外交上因法俄同盟之關係夙黨於俄此次對松花江交涉亦屢著論謂中俄邦交實視此爲關鍵在彼之意以爲俄僅得其權利中所應有者並無意外之侵奪也何以証之千八百五十八年五月二十八號愛暉條約其第一條原謂中俄於黑龍江松花江烏蘇里江同有航權也是時滿洲一隅尙僅有俄之勢力並無第三國起與相競千八百八十一年二月二十四號聖彼得堡條約第十八條重行聲明愛暉條約第一條之義意而贅之以詞曰中俄彼此應有交換之利益其詳細章程當續議定後此擱置終未妥協而俄船亦自由航行於松花江中國無如之何也直至千九百五年日俄戰爭之後蒲斯買斯條約始將此事結束蓋此條約之第三條聲明俄在滿洲不得有特別利益對於中國不得有特別權利而致有所防損於中國之滿洲主權是不啻暗中取消前此愛暉條約及聖彼得堡條約也中國海關遂據此條以徵收俄船航稅與他國商船無異而俄之

北京代表始終爭持直至去年始由中國總稅務司斐式楷與俄國代表哥貨斯多維池議定暫行簡章此章出於強制本非俄商所願加以海關檢查俄船克羅俾號深夜追捕俄人尤怒彼時俄政府固不能不承認哥氏與斐式楷所定暫章惟其航稅僅允納交於道勝銀行不肯直接納諸中國海關隱虞不承認中國有徵船稅之權並同時聲明此項暫章僅至今年八月一號爲限後此卽須另行訂定新約逾千八百八十一年二月二十四號聖彼得堡條約之趣旨而中國固無詞以難之就是以談則松花江交涉俄所爭持根據前約實在情理之中云云此又旁觀對此事之輿論也

本報規則

冊數

每月六冊
正臘停版五期
全年六十七冊
閏月增加

價值

每冊大洋壹角叁分
每季大洋貳元壹角
全年大洋捌元肆角
閏月照加

編輯發行處均在南京水西門內下浮
橋南洋印刷官廠

分售處在吉祥街南洋印刷官廠發行所

西曆一千九百十一年二月十八號
宣統三年二月初五日
禮拜二